



Inatsisartunut ilaasortaq
Aqqaluaq B. Egede, Inuit Ataqatigiit

17-09-2018
Suliaq nr. 2018-17711

Postboks 930
3900 Nuuk
Tlf. (+299) 34 68 00
E-mail: asnnn@nanoq.gl
www.govmin.gl

Kuannersuit pillugit § 37 naapertorlugu apeqqummut nr. 2018-229-imut akissuteqaat

Kuannersuit pillugit Inatsisartut Suleriaasianni § 37 naapertorlugu apeqqutit matuma kingulianiittut saqqummiuppatit. Akissuteqaatip matuma suliarineqameranut atatillugu naalakkersuisoqarfinni suliaasaqarfinit attuumassuteqartunit ilanngussassanik piniartoqarpoq. Apeqqutitut 2-imut aamma 6-imut tunngatillugu Pinngortitamut Avatangiisinullu Naalakkersuisoqarfimmit aammalu apeqqummut 9-imut tunngatillugu Inuussutissarsiornermut Nukissiuuteqarnermullu Naalakkersuisoqarfimmit akissuteqaammut ilanngussassamik piniartoqarpoq.

1. Kuannersuarmi uran-imik piiasoqarnissaa siunertaralugu Naalakkersuisut qinnuteqaammik tigusaqarsimappat?

Akissut:

Naalakkersuisut piiaanissaq pillugu qinnuteqaammik tamakkiisumik sulitigusaqanngillat.

2. Ilumoorpa qinnuteqaammi flour-ip avatangiisinut ajornartorsiutaalernissaa pillugu iliuusissat amigarneri ajornartorsiutitaqartoq?

Akissut:

Naamik, maannakkorpiaq tamanna eqqunngilaq, tassami Naalakkersuisut piiaanissaq pillugu qinnuteqaammik tamakkiisumik sulitigusaqanngillat. Piiaanissaq pillugu qinnuteqaat tamakkiisoq ilaatigut avatangiisinut sunniutaasussanik nalilersuinnermut nassuiaammik Naalakkersuisut "Kalaallit Nunaanni aatsitassanik piiaanissamut VVM-imut nassuiaammik (Avatangiisinut sunniutaasussanik nalilersuineq) suliaqarnermut malittarisassat" (VVM-imut malittarisassiat) 2015-imeersumik naammassinnittumik, imaqartussaavoq.

3. **Naalackersuisut uran pillugu suliaq aamma uran-imik piiasoqarnissaa ataatsimoorlutik isumaqatigaat?**

Akissut:

Naalackersuisut iluanni pissutsit, ilanngullugit apeqqutini aalajangersimasuni isumaqatigiinngittoqarsimasinnaanera, tunngaviusunik pissuteqartumik avammut paasissutissiissutigineqarsinnaanngillat.

4. **Kuannersuarni uran-imik piiasoqassappat piiaffissap illoqarfimmut atanera politikikkut ajornartorsiutissartaqartoq Naalackersuisut nassuerutigisinnaavaat?**

Akissut:

Ingerlatseqatigiiffiup suliassap sunniinissai qinnuteqaammut najoqqutassani nassuiartussaavai, ilanngullugu aamma aatsitassarsiorfiup Narsap qanitaani inissisimaneranut tunngatillugu.

5. **Kuannersuit atinnguani illumik B nr.-mulerneqarsimasumik illoqarnera kommunimiit akuerineqarsimasuunera tunngavigalugu Kuannersuit illoqarfimmut atasut oqaatigineqarsinnaasoq Naalackersuisut uppersarsinnaavaat?**

Akissut:

Aatsitassarsiorfimmik pilersitsineq, nunami sumiiffinni maannakkut aatsitassarsiorluni misissuinissamut akuersissutip iluani inissisimassaaq. Aatsitassarsiorluni misissuinissamut akuersissummi tassani Narsaq ilaatinneqanngilaq.

6. **Akuiaaffissatut pilersinneqartussap sumiiffissaa aamma igitakunik eqqaavissap sumiiffissaattut pilersaarutit Naalackersuisuniit sumiinneri nassuiarneqarsinnaappat?**

Akissut:

Naamik, maannakuunngitsoq. Piiaanissaq pillugu qinnuteqaammik tamakkiisumik Naalackersuisut suli tigusaqanngillat. Ingerlatseqatigiiffiup suliassap sunniinissai qinnuteqaammut najoqqutassani nassuiartussaavai, ilanngullugit aamma suliareqqisarnermut aamma eqqakkanik inissiinissamut tunngasut.

7. **Pilersaarut pillugu politikikkut suleriesissat matoqqaqisut qanoq ililluni ammanerulersinneqarnissaa Naalackersuisut timitalerniarpaat?**

Akissut:

GME-p qinnuteqaataata sularineqarnera, piiaanissamut qinnuteqaatitut allatuulli ingerlanneqartussaavoq. Qinnuteqaammut najoqqutassat minnerpaamik sapaatit akunnerini arfineq pingasuni tamanut ammasumik tusarniaassutigineqartussaapput. Piffissap tusarniaaffiusup ingerlanerani illoqarfinni aamma nunaqarfinni kalluarneqartussani innuttaasunik ataatsimiititsinerit ingerlanneqassapput.

8. **Pilersaarut pillugu Naalakkersuisut suliaqarnermini Inatsisartuni ataatsimiititaliat ukiut kingulliit pingasut ingerlaneranni susassaqtut malinnaatillugillu ilisimatinneqartarsimappat?**

Akissut:

Aatsitassanut ikummatissanullu inatsit malillugu suliani aalajangiisoqannginnerani, pissutsit inuiaqatigiinnut imaluunniit avatangiisinut annertuumik sunniteqarsinnaasut pillugit suliat pillugit Inatsisartut ataanni ataatsimiititaliaq attuumassuteqartoq Naalakkersuisut ilisimatittussaavaat.

9. **Kuannersuarni suliffissanik isumalluortoqarnera pillugu nunaqavissut sulilernissaat siunertaralugu Kommuni Kujalleq peqatigalugu immikkorluinnaq iliuuserineqartut ingerlanneqarsimasut suuppat?**

Akissut:

GME-imut piiiannissamut akuersissummik tunniussisoqassappat tassunga ilaatillugu, Impact Benefit Agreement-imut (IBA) isumaqatigiissuteqarnissaq pillugu piumasaaqateqartoqartussaavoq. Siusinnerusukkut suleriaasiusartunut naapertuuttumik naatsorsuutigineqarpoq pisinnaatitsissummik pigisaqartoq, kommuni aamma Namminersorlutik Oqartussat ataatsimoorlutik isumaqatigiissuteqassasut. Kommune Kujalleq aamma Namminersorlutik Oqartussat isumaqatigiissut taamaattoq aqutigalugu suliasami najukkameersunik suliffissaqartitsinissamut killissaliussanik inisseeqataasinnaassapput.

Tamatuma saniatigut Kommune Kujallermit aallartitat, ilanngullugit ilaatigut politikereit najukkameersut aamma atorfilittat 2010-imi aamma 2015-imi Canada-mi urani pillugu paasisassarsiorluni angalanermi peqataasimapput. Angalanermi taakkunani ilaatigut siunertaasimapput, Canadap tungaaniit qanoq najukkameersunik sulisoqarnermi peqataatitsisoqarnerasoq paasiniarnissaa. Taamaattumik kommuni aamma Namminersorlutik Oqartussat tikeraarnerni taakkunani arlalinnik misillittakkanik pissarsisimapput.

Kiisalu Kommune Kujallermit urani pillugu paasititsiniaalluni angalanernik aaqqiussisoqarsimavoq, taamatullu GME-p 2014-imi suliaqarneranut atatillugu allakkatigut piareersaataasumik tusarniaanermik ingerlatsisoqarsimalluni. Kommuni ataatsimiinnerni aammalu tusarniaaffigineqartutut Kuannersuarni aatsitassarsiorfeqalissappat, tamatumunnga tunngatillugu oqaloqatigiinnermi ilassuteqartarsimavoq. GME-p piareersaataasumik tusarniaanera aamma aatsitassanut ikummatissanullu inatsimmi tamanna pillugu inatsimmi allannortitsinermut nangissutigalugu, taamatut ittuni siullersaasimavoq.

10. **GME-p Kuannersuarni suliap aallartinnissaa pillugu tusagassiorfiit aqutigalugit oqaluttuarternera Naalakkersuisut sooq akuersaaginnarpaat?**

Akissut:

GME ingerlatseqatigiiffiuvoq namminersortoq aammalu Naalakkersuisut ingerlatseqatigiiffimmit namminersortumik oqaaseqaatit nakkutigisinnaanngilaat nakkutigisariaqarnagillu. GME ingerlatseqatigiiffiup oqaaseqaatai nammineerluni akisussaaffigai. Naalakkersuisut qinnuteqaammut aalajangersimasumut taamaallaat isummissapput.

11. Naalakkersuisoqarfiup GME-miit aqutaalersimasutut ilisarnaatigisaat, tassalu Naalakkersuisunut apequtit akineqarsinnaanngitsut matoqqasuuneri tunngavilersuutigineqartut sooq GME-ip tusagassiorfitsigut saqqummiussuuttarpai?

Akissut:

Naalakkersuisut taamaallaat GME-mit qinnuteqaammut aalajangersimasumut isummissapput.

12. Naalakkersuisut GME-mut Naalakkiisinnaannginnerat politikkikkullu inissiisinnaannginnerat sumik tunngaveqarpa?

Akissut:

Naalakkersuisut piiaanissamut akuersissummi, tamatumalu kingorna akuersissuteqarnermi aammalu IBA-mut isumaqatigiisummi piumasaqaatinik aalajangersaasapput.

13. Sooq GME-p pilersaarutaasa avataatigut Naalakkersuinikkut pilersaarsiortoqarsimannngila, tamanna isumaqarpa GME pilersaarutaa utaqqiinnarneqartoq?

Akissut:

Naalakkersuisut taamaallaat GME-mit qinnuteqaammut aalajangersimasumut isummissapput. Qinnuteqaat taanna aatsaat tunniunneqareerpat, suliarinninneq aammalu suliap ingerlaqqinnissaa aallartissapput.

14. Naalakkersuisut sunik piumasaqaateqarlutik GME-mut apuussaqaartarsimappat?

Akissut:

GME ingerlatseqatigiiffiit allat tamaasa assigalugit pineqassaaq. Aammattaaq suliaassanik suliarinnittarnermut inatsit aamma pisortat ingerlatsineranni paasitinneqarsinnaatitaanermut inatsit innersuussutigaakka.

Inussiamersumik inuulluaqqusillunga


Vitis Qajaqitsoq